

周
官
恒
解

周官恆解卷四

夏官司馬序官

雙流劉沅輯註

惟王建國辨方正位體國經野設官分職以爲民極乃立
夏官司馬使帥其屬而掌邦政以佐王平邦國

夏於時爲火於卦爲離離爲甲冑爲戈兵取威明之義
故以司馬爲夏官主兵兵官而曰馬者古以車戰軍政
莫重於馬也凡國事皆政而獨於司馬
言邦政者正其不正之名平平其爭也

政官之屬大司馬卿一人小司馬中大夫二人軍司馬下
大夫四人與司馬上士八人行司馬中士十有六人旅下
士三十有二人府六人史十有六人胥三十有二人徒三

百有二十人

行戶
郎反

軍司馬統治一軍之政令以贊大司馬與司馬掌車行
司馬掌徒史胥徒獨多於四官者軍事尚嚴特須監察
故也此皆平日蒐狩講武卽教以磬控馳驟之節步伐
止齊之法由畿甸以暨於侯國皆然非待臨時而始爲
之

凡制軍萬有二千五百人爲軍王六軍大國三軍次國二
軍小國一軍軍將皆命卿二千有五百人爲師師帥皆中
大夫五百人爲旅旅帥皆下大夫百人爲卒卒長皆上士
二十五人爲兩兩司馬皆中士五人爲伍伍皆有長

將子
匠反

帥所類反
長知丈反

按田賦出車之法天子千乘爲方百里者百常具十萬
乘之數而王不過六軍蓋僅車千乘也司徒平日養教
無不訓以武畧而大司馬臨時調發僅百分之一蓋選
其智勇精要者以行諸侯以是批軍將不特置選於
六官六卿之吏自卿以下有才德者爲
之師旅皆眾也卒萃也兩兩之伍伍之

一軍則二府六史胥十人徒百人

凡行軍時每軍置府史
胥徒如此平時無之

司勲上士二人下士四人府二人史四人胥二人徒二十
人

鄭氏眾曰勲功
也此官主功賞

馬質中士二人府一人史二人賈四人徒八人

鄭氏康成曰質平也主買馬平其大小之價馬於戎馬之事為多故掌於司馬

量人下士二人府一人史四人徒八人量音良

量度也以丈尺度地朝舍州涂軍社及營壘皆是

小子下士二人史一人徒八人羊人下士二人史一人賈

二人徒八人賈音價

其所職皆小事故以小子名官羊人共羊而已其斬牲等事皆小子故羊人次小子

司燿下士二人徒六人燿古喚反

燿民間理爨之私火也

掌固上士二人下士八人府二人史四人胥四人徒四十

人司險中士二人下士四人史二人徒四十人

固國所依以爲國者城郭溝渠之屬皆是險四方阨塞要害之地所當防據者險固可分言亦可通言

掌疆中士八人史四人胥十有六人徒百有六十人

疆界也掌之以正封守禁侵奪

候人上士六人下士十有六人史六人徒百有二十人

御案主境上候望而有方治來人亦迎之送之若大賓客自有掌訝與訝士迎送

環人下士六人史二人徒十有二人

環戶關反

掌巡察軍中之事與秋官環人異

挈壺氏下士六人史二人徒十有二人

挈苦結反

挈懸持也壺盛水器世主挈壺水
以爲漏軍行必載行漏故隸夏官

射人下大夫二人上士四人下士八人府二人史四人胥

二人徒二十人

射以觀德而武
事尤重故隸此

服不氏下士一人徒四人射鳥氏下士一人徒四人羅氏

下士一人徒八人掌畜下士二人史二人胥二人徒二十

人射常亦反
畜許六反

服不氏服不服之獸者射鳥射鳥之備用者兼
爲射人取矢羅氏以羅罔博鳥者畜斂而養之

司士下大夫二人中士六人下士十有二人府二人史四

人胥四人徒四十人

御案司士隸夏官以司馬輪辨
官材習察其人然後用之當也

諸子下大夫二人中士四人府二人史二人胥二人徒二十人

諸子別於適子之稱適子
入成均其餘皆掌於諸子

司右上士二人下士四人府四人史四人胥八人徒八十人

右在王車右執
干戈以衛王

虎賁氏下大夫二人中士十有二人府二人史八人胥八

十人虎士八百人旅賁氏中士二人下士十有六人史二人徒八人

虎賁氏掌先後王而趨以卒伍其趨者虎士也勇而有志行者外更設旅賁氏夾王車而趨強力而篇於忠義者言旅見其眾

節服氏下士八人徒四人

御案春官司服辨用事以共其物而已此職常侍王凡登車下車易服弛服之節及風雨寒溫皆在視而得其宜所以謹儀法而王躬是保

方相氏狂夫四人

疫癘之來莫知其方方相者揣其方而相其彷彿也

大僕下大夫二人小臣上士四人祭僕中士六人御僕下士十有二人府二人史四人胥二人徒二十人

鄭康成曰僕侍御於尊者之名大僕其長也

隸僕下士二人府二人史二人胥四人徒四十人

御案凡國中勞辱之士皆隸其之五寢之埽除糞洒不可使盜賊之子故以徒代隸而因以隸名官恩按隸於王非賤也以爲賤者非

弁師下士二人工四人史二人徒四人

弁皮彥反

王氏應電曰弁首服之次於冕者自天子而下皆用之冕則不常服故冕雖尊而獨以弁稱

司甲下大夫二人中士八人府四人史八人胥八人徒八

十人司兵中士四人府二人史四人胥二人徒二十人司
戈盾下士二人府一人史二人徒四人司弓矢下大夫二
人中士八人府四人史八人胥八人徒八十人

甲鎧也古以皮今以金成難藏亦不易故官多司兵統
管兵器司戈盾授王侍衛之戈盾弓矢用廣故設官同
於司兵

繕人上士二人下士四人府一人史二人胥二人徒二十

人橐人中士四人府二人史四人胥二人徒二十人橐古
老反

繕善也修治之使善也箭幹曰藁繕人橐人專治弓矢
以弓矢之用多且五兵王不親執射則王時有事故設
官以掌其事而勸懲之也

戎右中大夫二人上士二人齊右下大夫二人道右上士

二人

齊側皆反下同

戎右王即戎而參乘也必从更戎事智勇過人始可爲衛齊右充王路金路之右敬賓如齊也道右充象路之右每日視朝爲車右

大馭中大夫二人戎僕中大夫二人齊僕下大夫二人道僕上士十有二人田僕上士十有二人馭夫中士二十人下士四十人

馭馭車僕侍御也二官皆中大夫者王親臨軍馭者僕者安危所繫必慎簡其人不取之於羣僕也齊僕以下則次矣田僕備王四時田獵兼園固取鮮獸之事馭夫駕馭馬者

校人中大夫二人上士四人下士十有六人府四人史八
人胥八人徒八十人趣馬下士阜一人徒四人巫馬下士
二人醫四人府一人史二人賈二人徒二十人牧師下士
四人胥四人徒四十人廋人下士閑二人史二人徒二十
人圉師乘一人徒二人圉人良馬匹一人駑馬麗一人

校戶

教反趣七口反阜才早反賈音價廋所求反圉疑呂反乘繩證反駑音奴麗卽計反

周制田賦出車以備戰陣馬政最重故多官以司之校校其數趣養馬者巫知馬崇醫知馬病牧放馬而養之廋爲隱藏之義收馬於廐必使無風霜寒熱失宜等弊圉師掌教養馬之事蓋賞罰之良善也麗耦也

職方氏中大夫四人下大夫八人中士十有六人府四人

史十有六人胥十有六人徒百有六十人

職主也主四方職貢官之長天下
人民貢賦之事繁故官尊而人多

土方氏上士五人下士十人府二人史五人胥五人徒五
十人懷方氏中士八人府四人史四人胥四人徒四十人
合方氏中士八人府四人史四人胥四人徒四十人訓方
氏中士四人府四人史四人胥四人徒四十人彤方氏中
士四人府四人史四人胥四人徒四十人山師中士二人
下士四人府二人史四人胥四人徒四十人川師中士二
人下士四人府二人史四人胥四人徒四十人遼師中士

四人下士八人府四人史八人胥八人徒八十八人

還音原

土方氏主四方邦國之土地土其地而制其域懷懷來之合合而同之訓道而教之形悉其形體山師主山中職貢川師主川通師主原野以上所從皆司徒之事而屬司馬者五等之國及附庸皆有開田名山大澤不以封諸侯之削地者視其地之所屬分隸於職方等官其職貢隨時隨地不無損益王者統壹四海仁以育民威以肅下屬之司馬予奪賞罰由天子下不得而干也

匡人中士四人史四人徒八人擯人中士四人史四人徒

八人

擯與探同他南反

天子以法則施於天下而或有亂之者則匡人稽覈之擯人以王意語天下使知王旨此皆掌籍之官察其事而詔司馬以告王者也

都司馬每都上士二人中士四人下士八人府二人史八人胥八人徒八十人家司馬各使其臣以正于公司馬

都王子弟所封及三公采地家卿大夫采地公司馬國司馬也此皆王自以臣爲司馬選掌其事其臣乃其自有之家臣公司馬卽指都司馬

周官恆解卷四

夏官司馬

雙流劉沅輯註

大司馬之職掌建邦國之九灋以佐王平邦國

御案大宰建六典司徒建地圖宗伯建三禮司寇建三典皆曰邦獨此言邦國者四官所建皆王國之典而侯國兼用之九灋專爲侯國設也

制畿封國以正邦國設儀辨位以等邦國進賢興功以作邦國建牧立監以維邦國制軍詰禁以糾邦國施貢分職以任邦國簡稽鄉民以用邦國均守平則以安邦國比小

事大以和邦國

畿音祈監古銜反詰去吉反鄉如字比毗至反

封立封於疆爲界凡守土者各有疆界毋許侵越所以
正之也儀宮室車服之屬位尊卑上下之位辨別也別
其等則不上陵下偏與猶舉也作起也見於德行曰賢
見於事業曰功進其爵舉其人使起其爲善立功之心
建牧立監與大宰職同蓋建之立之或廢或置大司馬
必參賞罰之柄也維固結之詰窮治也糾猶正也制軍
法以糾正姦暴貢職各視其國之大小尊卑王巡狩征
伐施之分之不同皆令任其事以肅王章簡比數之稽
計也平日簡其強弱稽其眾寡然後眾可用言鄉民者
卽六鄉以概諸侯也守土者地之廣狹爵之尊卑不同
而所以優之者同則謂一切法度此卽孔子所謂懷諸
侯之事也內該無數禮意故曰安也比親也使大國親
小國小國事大國相和合按此九濩與大宰地官天官
等相爲出入而獨言大司馬建之者養教之法旣備禮
樂之事已詳而有不幸教者黜罰之權統於司馬威天
下使歸於中和非殫天下使効其奔走所謂仁育必常
義正也

以九伐之灋正邦國馮弱犯寡則眚之賊賢害民則伐之
暴內陵外則壇之野荒民散則削之負固不服則侵之賊
殺其親則正之放弑其君則殘之犯令陵政則杜之外內

亂鳥獸行則滅之

增鄭讀作墀音善行下孟反

伐聲其罪以討之也馮猶乘陵也眚損也謂貶爵削祿
薄其恩禮賢與民國之本而賊之害之故必伐之暴內
陵外荒淫於家苛虐於民壇之置之空墀之地謂廢之
而更立賢君也荒蕪也不能守土治民先削其地以警
不悛則必廢之可知矣負恃也固險固也負固不服必
險遠之國命方伯連帥潛師以侵之親兄弟之屬正之
者審其罪之輕重而罪之放弑罪惡極矣殘焚殲之令
王命政王章杜禁錮之也人倫之道自上倡之乃外內
亂鳥獸行無人道矣滅之誅其人絕其國也

正月之吉始和布政于邦國都鄙乃縣政象之漚于象魏

使萬民觀政象挾日而斂之

縣音懸挾手協反

賈氏公彦曰政謂上九漚九伐並下凡令賦以下

乃以九畿之籍施邦國之政職方千里曰國畿其外方五百里曰侯畿又其外方五百里曰甸畿又其外方五百里曰男畿又其外方五百里曰采畿又其外方五百里曰衛畿又其外方五百里曰蠻畿又其外方五百里曰夷畿又其外方五百里曰鎮畿又其外方五百里曰蕃畿

畿限也九畿亦謂九服畿言其有界畫服言其服王事籍書也政職司馬政典所當奉行者國天子國內侯候

也去天子近爲天子守侯甸田也去天子稍遠爲天子
治田賦男者任也去天子漸遠然亦任天子之事采事
也去天子益遠然莫非分理天子之事衛近邊疆爲天
子守衛蠻獠也以近夷狄縻繫之以政教自此以上六
服是中國之九州自此以外是夷狄之諸侯夷者以夷
狄而得稱鎮鎮守蕃爲屏藩也按王者代天理物設官
分職無非欲天下又安九畿之制以五百里相次而推
亦祇大概言之其實天下之遠非此可盡而聖人聲教
所訖亦不止此特聖人之世但能各治其民各安其宇
卽無他求故蠻夷鎮蕃爲名若此非如後世必強以相
服而不修實政
反多外虞也

凡令賦以地與民制之上地食者參之二其民可用者家
三人中地食者半其民可用者二家五人下地食者參之
一其民可用者家二人

賦兵也以地之美惡人之眾寡而制兵上地肥美田也
食者參之二田百畝萊五十畝參分而休其一分只以
二百畝計之為家七人可用為兵者三人中下地以此
而差按小司徒均上地稽人民周知其可任之數凡起
徒役無過家一人以其餘為羨此言可用者家三人云
云者蓋家止一人為正兵而其餘為羨卒此云三人二
人亦太極言之也平時訓練人不嫌其多臨時出軍則家不過一人耳

中春教振旅司馬以旗致民平列陳如戰之陳辨鼓鐸鐃

鏡之用王執路鼓諸侯執賁鼓軍將執晉鼓師帥執提旅

帥執鼙卒長執鏡兩司馬執鐸公司馬執鐃以教坐作進

退疾徐疏數之節遂以蒐田有司表貉誓民鼓遂圍禁火

弊獻禽以祭社

銅直角反
鼙並兮反

鏡乃交反賁扶云反提徒兮反
數疏屋反又所學反蒐師優反

緒夢魘反

弊平世反

此言四時教閱之法凡師出日治兵入日振旅中春農
事將興因蒐而教以戰兵以鼓進以金退於田時卽以
戰法教之以鼓令眾提亦小鼓可提之以擊故名按王
與諸侯執路鼓賁鼓未必親執特在軍以是爲等自有
執而擊之者至軍將以下則自執之教坐作進退疾徐
疏數之節習戰法也蒐搜也恐害苗之物藏匿田間而
驅除之也表貉立表而貉祭也誓民誓之以遵法令於
時以鼓聲之圍獵也禁禁侵擾也火以火焚萊弊止也
獻禽祭社以祈年

中夏教芟舍如振旅之陳羣吏換車徒讀書契辨號名之
用帥以門名縣鄙各以其名家以號名鄉以州名野以邑
名百官各象其事以辨軍之夜事其他皆如振旅遂以苗

田如蒐之瀟車弊獻禽以享祈

發蒲末反撰息轉反祈除若反

行軍有晝事必有夜事夜事重防守故於夏田習之夏
月炎暑日間田事從畧惟夜事爲宜故教民結草爲舍
以象軍行野宿而其事則選擇車徒也校讀軍實之書
也辨號名之用如下文所云也帥以門名者備非常費
要於門帥以門名孤卿爲主帥則以門名之一帥所統
之軍其地其人不一縣鄙由六遂來者家由采地來者
卽師都也鄉由六鄉來者卽州里也野由公邑來者也
官府者孤卿大夫士之總稱孤卿既爲主帥則百官大
夫士也縣鄙各以其名如云某遂某縣某鄙也鄉以州
名如云某鄉某州某黨也野以邑名若魯則武城汶上
之類家以號名如孟孫叔孫氏之類百官各象其事所
司各有其事皆於書契辨之無事各安其部伍有事則
呼其名號有倡必和可戮力同心矣不言王與諸侯號
名之所不及也夏田曰苗除禽獸之害苗者也車驅獸
之車祈宗廟之夏祭

中秋教治兵如振旅之陳辨旗物之用王載大常諸侯載
旂軍吏載旗師都載旛鄉遂載物郊野載旐百官載旗各
書其事與其號焉其他皆如振旅遂以獮田如蒐田之灋

羅弊致禽以祀祈

書如字獮息
淺反祈音方

賈氏公彥曰出曰治兵入曰振旅春以入兵爲名尚農
事秋以出兵爲名尚嚴威也此旗物之用與司常職大
閱頒旗物不同者大閱之旗物正法也此治兵之旗物
變法也旗物變則軍心新而氣益壯軍吏即司常云孤
卿也爵則孤卿主帥則曰軍吏百官即司常云大夫士
也爵曰大夫士從王有事而不與圍禁則曰百官師都
車徒自公孤卿大夫之采地來者彼云州里即此之鄉
縣鄙即此之遂郊外曰野故連言刻鄉遂郊野車徒之
從鄉遂公邑來者凡此皆分隸於六軍之軍吏故載旐
載物載旐也百官雖不與圍禁必有所載以爲別獮殺

也秋田爲殺中殺者多羅網也祈祭四方之神以報成功

中冬敎大閱前期羣吏戒眾庶脩戰澹虞人萊所田之野爲表百步則一爲三表又五十步爲一表田之日司馬建旗于後表之中羣吏以旗物鼓鐸鐃各帥其民而致賁明弊旗誅後至者

中冬稼穡事畢乃可大閱而行戰陣之法前此固未卽如軍法也萊田野除萊以便馳驅於可陣之處中央立四表軍至表則開一而坐坐而更起蓋以表正行列致致之於司馬賁正也弊什也軍法後期者斬而此方致民則未遽以死處之也

乃陳車徒如戰之陳皆坐羣吏聽誓于陳前斬牲以左右

御陳曰不用命者斬之中軍以鼙令鼓鼓人皆三鼓司馬振鐸羣吏作旗車徒皆作鼓行鳴鐃車徒皆行及表乃止

三鼓攬鐸羣吏弊旗車徒皆坐

乃陳之陳如字攬音鹿又音蒲表反

陳車徒於陣後皆坐以聽誓羣吏則聽誓於陳前誓之者士師斬牲者小子也王自田則王爲中軍而孤卿將其五王不與則中軍亦孤卿爲之以鼙令鼓令六軍鼓也皆三鼓六軍皆然振鐸以作衆作起也既起鼓人擊鼓以行之伍長鳴鐃以節之伍長一曰公司馬表每軍各立四表師都鄉遂公邑諸帥各帥其屬分隸六軍分班鱗次而進及表由後表至二表也及表而止鼓人三鼓司馬掩鐸羣吏皆掩旗於是車徒之止者皆坐此象陣初發面敵時也

又三鼓振鐸作旗車徒皆作鼓進鳴鐃車驟徒趨及表乃

止坐作如初乃鼓車馳徒走及表乃止鼓戒三闕車三發
徒三刺乃鼓退鳴鑼且卻及表乃止坐作如初

闕苦穴反
刺千賜反

卻起
畧反

又從二表至第三表鼓鐸作皆如前而車徒則且驟且
趨以象速於赴敵之狀及表至第三表也從第三表至
第四表乃鼓不復坐矣車馳徒走以象薄城對敵鼓戒
疾鼓以象催戰凡三闕每一闕車發一次徒刺一次三
闕三次以象戰勝敵乃鼓退鼓之使眾齊退免參差不
齊鏡以止鼓且卻軍吏及士卒迴身向北更從南四表
至北之第一表而止其坐作之法皆如初按軍還至
第一表則皆坐矣而云作者該下狩田之事而言

遂以狩田以旌爲左右和之門羣吏各帥其車徒以敘和
出左右陳車徒有司平之旗居卒閒以分地前後有屯百

步有司巡其前後險野人爲主易野車爲主

易俞寄反

冬田曰狩軍門曰和取師克在和之義立兩旌以爲門羣吏各帥其車徒以次敘由和自左自右而出旣出門而趨圍地左右陳車徒有司平其行列旗居卒閒每百人爲一卒植旗其閒以分所占之地必廣狹如一禁地之前後各有屯百步以待田畢屯車徒而後各獻其所獲也巡其前後謂巡其行陣使不紊險野人爲主謂列陣用徒而以車承其關易野車爲主謂列陣用車而以徒承其關也

旣陳乃設驅逆之車有司表貉于陳前中軍以鼙令鼓鼓人皆三鼓羣司馬振鐸車徒皆作遂鼓行徒銜枚而進大獸公之小禽私之獲者取左耳

旣陳成行列也驅驅而出之逆迎而邀之設此車者田僕也旣設有司卽爲表貉之祭於陳前羣司馬六軍司

馬併六軍而趨圍禁眾鐸齊鳴也銜枚止喧嘩也公之
輪于公私之自取詩曰言私其縱獻豸于公是也獲謂
得禽者取左耳田畢以此爲驗
將以論功如軍法之執馘也

及所弊鼓皆駢車徒皆譟徒乃弊致禽饁獸于郊入獻禽

以享烝

臧本亦作駢胡楷反
譟素報反饁移獵反

所弊所當止處駢鼓聲疾而洪譟謹呼象尅敵而喜也
徒乃弊終事而止也致禽各致其所得之禽饁獸于郊
聚所獲禽以祭四方之神於郊人又以獻宗廟烝冬祭
也四時皆田而冬時農功已畢故大閑之法尤詳取禽
亦較多李氏曰兵者不祥之器若無故而習之是習殺
人也非示天下不復用兵之意故於四時田獵而習焉
鳥獸魚鼈皆含血氣若無故而殺之是暴天物也故因
酌祀蒸嘗而行焉明非好兵也爲田獵也非好田獵也
爲祭祀也外以盡事神之禮內以
修不虞之備聖人之動其慎如此

及師大合軍以行禁令以救無辜伐有罪若大師則掌其
戒令泣大卜帥執事泣鬯主及軍器及致建大常比軍眾
誅後至者及戰巡陳眠事而賞罰若師有功則左執律右
秉鉞以先愷樂獻于社若師不功則厭而奉主車王弔勞

上庶子則相

比必里反鉞音越先悉薦反厭

上文言田此及師則出師也大合軍司馬奉王命以行
征討大師則王親征也禁令戒令一也司馬專之則言
禁奉王命行則言戒泣臨也大卜卜出兵吉凶主遷廟
之主及社主軍器鼓鐸之屬凡師既受甲迎主於廟及
社主視奉以從殺牲以血塗主及軍器皆神之致聚眾
也王親征則以王之大常致眾王不親則司馬自用大
旗致之比校次之也事戰功功勝也律聽軍聲鉞示威
武愷樂得勝之樂獻于社獻功于社厭伏冠也五服之

冠皆厭以喪冠奉主歸於廟與社士庶子有死傷者王親弔之勢之大司馬相王其上於士庶子者不待言矣所以獎忠勤而慰勸之也

大役與慮事屬其植受其要以待攷而賞誅大會同則帥士庶子而掌其政令若大射則合諸侯之六耦大祭祀饗食羞牲魚授其祭大喪平士大夫喪祭奉詔馬牲

與音預屬音燭

植除吏反

大役築城邑也慮事者封人而司馬與之植築城板碎屬賦丈尺與其所用人數要簿書攷攷校其功也會同則帥士庶子以從王大射將祭王射於澤宮以選賢諸侯兼畿內外而言六耦以六爲耦若不足當以卿大夫足之王祭祀饗食則進其魚牲以祭平者正其職與其位喪祭遺奠也奉送也送之至墓告而藏之

小司馬之職掌

鄭康成曰此文闕漢興求之不得遂無識其數者
鄒案以諸官例之所掌必論辨官材也國子選俊並升
於司馬司士治之庶子之脩業於鄉學者諸子治之
而大司馬職不及論辨官材則小司馬專之必矣

凡小祭祀會同饗射師田喪紀掌其事如大司馬之灋

賈氏公彥曰小祭祀以下至喪紀皆
蒙此小字對大司馬大祭祀之類

軍司馬

闕

興司馬

闕

行司馬

闕

以上三職皆軍中所任臨時授職無專官軍司馬蓋主
勝負賞罰者與司馬蓋主僕御馳騁賞罰者行司馬蓋

司官互解

卷四 夏官

掌各軍行列賞罰者
然其文不可考矣

司勲掌六鄉賞地之瀦以等其功王功曰勲國功曰功民
功曰庸事功曰勞治功曰力戰功曰多

鄭康成曰賞地賞田也在達郊之內屬六鄉焉等猶差
也以功大小爲差王功輔成王業天下蒙福君臣同享
其利故曰勲也國功有益於國忠勤顯著故曰功也民
功有益於民民可常行而食其利故曰庸也事功任事
克終而竭其才力故曰勞也治功不治以歸於治官
力善成故曰力也戰功非所常用然能克敵制勝亦可
多也要而言
之皆可通用

凡有功者銘書于王之大常祭于大烝司勲詔之大功司
勲藏其貳掌賞地之政令凡賞無常輕重眡功凡頒賞地

參之一食惟加田無國正

正音

銘之言名也生則識其功書於王旌死則於然祭先王時從享詔詔司常書之

貳副也政令謂役賦賞地在六鄉之內其民亦從鄉之徭賦參之一食王食其一二全入於臣加田加恩所賜之田全給之而不稅優厚之也

馬質掌質馬馬量三物一

曰我馬二曰田馬三曰駑馬皆

有物賈網惡馬凡受馬于有司者書其齒毛與其賈馬死

則旬之內更旬之外入馬耳以其物更其外否馬及行則

以任齊其行若有馬訟則

聽之禁原驪者

質如字量平聲賈音嫁更音庚

質平其價也戎馬供戎事田馬供田獵駑馬供冗事皆量其材之美惡定其價

之官之高下惡馬不調良者以索網維之使馴服受馬以給官之役旬之內死或前所養者失職即不當受受之而死則必用之不善更謂償其馬

庸官恆解

卷四

夏官

十

價也旬之外死非用之不善物謂以皮肉爲價入馬耳
防欺僞也其外二十日以外非用者之罪也任載也均
其輕重勞逸是齊其行也訟買賣及師田行役卒款等
相爭或官買不得其平或死傷當償而以過失相推者
原再也既養馬又養蠶也蠶爲龍精蠶與
馬同類物莫能兩大禁原蠶者恐傷馬也

量人掌建國之澮以分國爲九州營國城郭營后官量市
朝道巷門渠造都邑亦如之營軍之壘舍量其市朝州涂
軍社之所里邦國之地與天下之涂數皆書而藏之

塗

涂本又作

建立也九州肇自禹而後世畧有變更或舊屬彼而今
屬此者故曰分國爲九州也凡建國大司徒制其域封
人封其四疆而已城郭后官市朝道巷門渠之細匠人
營之而其式定於量人軍壁曰壘凡官吏相見之處皆

曰朝師之所在有朝有市一軍所聚謂之州涂營中往來之道軍社軍中之社所里居也量市朔州涂之所居地有山川廣狹涂有支湊遠近書而藏之封國慶創巡行征役皆於是乎攷之

凡祭祀饗賓制其從獻脯燔之數量掌喪祭奠饗之俎實

凡宰祭與鬱人受畢歷而皆飲之義昌絹反又昌銳反歷作漚畢古雅反

從獻從於獻酒之肉炙也若特牲饋食禮主婦獻尸兄弟長以燔從是數多少量長短也據儀禮脯十脰各長尺二寸燔之數量無考竈穿墻之名造奠包俎實以入于墻宰祭豕宰攝祭受畢畢之餘漚而皆飲之以受神福王親祭亦可知矣

小子掌祭祀羞羊肆羊殽肉豆而掌珥于社稷祈于五祀

凡沈辜侯禴飾其牲鬯邦器及軍器凡師田斬牲以左右

甸陳祭祀贊羞受徹焉

肆如字珥當爲弭禴如羊反

羞肆陳骨體羊豕解節折也肉豆切肉也珥作弭王氏與之曰如小祝弭災兵祈福祥也小子掌解牲體而凡有事弭於山川祈於五祀及沈辜等事皆飾其牲飾被以文繡沈祭川辜編辜侯侯禴禴創禴也邦器禮樂之器及祭器斬牲以徇示犯誓必殺之也賈氏公彦曰贊羞謂大司馬羞牲魚之類則贊之受徹祭畢諸宰君婦廢徹之時則受之

羊人掌羊牲凡祭祀飾羔祭祀割羊牲登其首凡祈珥其

其羊牲賓客共其瀡羊凡沈辜侯禴釁積共其羊牲若牧

人無牲則受布于司馬使其賈買牲而共之

積音漬從智反又精智反

賈音頃

正祭無用羔者詩曰獻羔祭韭或薦新有之歟登升也
升首於室三牲之首俱升此特就羊人所掌言之耳其
猶給也漣羊甕殮積膳之羊羊不一種其其如法者
沈辜侯屨見上魯魯國器繫積魯而漬血布泉布

司燿掌行火之政令四時變國火以救時疾季春出火民
咸從之季秋內火民亦如之時則施火令凡祭祀則祭燿

凡國失火野焚萊則有刑罰焉內音納燿
同玩反

鄭康成曰行猶用也變猶易也鄭氏眾曰春取榆柳之
火夏取棗杏之火夏季取桑柘之火秋取柞櫟之火冬
取槐棗之火王氏應電曰榆柳先百木而青得東方之
色棗杏心赤得南方之色柞櫟文理白得西方之色槐
植心黑得北方之色桑柘皮裏皆黃得中央之色按人
非火食不生四時取火順天地之性以養人之性調變
之精意也季春火星始見故使民出火雖烈山焚萊可
也季秋火星始伏故使民內火雖燦金焚燿亦止也時

謂改火及出內火之時令即改與出內之令祭燿祭先出火之人凡祭祀必用燿故以報之野焚萊非時擅用也

掌固掌脩城郭溝池樹渠之固頒其士庶子及其眾庶之守設其飾器分其財用均其稍食任其萬民用其材器凡守者受灋焉以通守政有移甲與其役財用唯是得通與國有司帥之以贊其不足者畫三巡之夜亦如之夜三鑿以號戒

鑿音威杜七報反號本黑教反

劉氏彝曰浚溝之土以爲城鑿池之土以爲郭溝池深於外則城郭固於內用其深以增高也渠又在其外所以出水因植木其上掌固掌其事而以時脩之頒猶分也上卿大夫士之適子庶其支庶眾庶民遽守固者也

飾器兵器飾者以爲飾而壯威財用所給守吏之用稍
食祿廉財用曰分視地守之劇易而有多寡稍食曰均
計功力之多少以爲差等任其萬民各以附近要隘之
民而任其事材器楨幹舂鍤之屬亦民具之此守之法
而凡爲受者所受也然各專其守則呼應不靈故又通
之使兵甲役財轉相移給庶緩急應援聲勢相輔非是
則不得擅離部署贊佐也其地狎有警掌固以達於司
馬使國中有司持符節以徵之他境是爲與國有司帥
而贊之守戒鼓曰鼙取憂懼威威之意三巡三鼙呼其
名以戒其事掌固以此法授守者非自爲也御案公
卿大夫之子家有田祿萬民計口授田俾各守其地之
阻固以自衛而財用稍食國猶頒焉所以厚下而其效
至於民忘其勞民忘其死也民之衣食裁患纖悉皆君
爲之計而民以材器給國事如於其家此國維所以固
仁義之利所以長也

若造都邑則治其固與其守濶凡國都之竟有溝樹之固

郊亦如之民皆有職焉若有山川則因之

都邑亦有城郭溝池國都竟上及郊皆有溝樹以爲固職謂守與任若有山川自然之險則因之以爲固而設戒守焉

司險掌九州之圖以周知其山林川澤之阻而達其道路設國之五溝五涂而樹之林以爲阻固皆有守禁而達其道路國有故則藩塞阻路而止行者以其屬守之唯有節者達之

鄧康成曰周猶徧也達道路山林之阻開鑿之川澤之阻橋梁之五溝遂溝洫滄川五涂徑畛涂道路也御案五溝五涂遂人所治也而於此復曰設者井田溝涂之設一以盡地利一以爲阻固故必使司險與途人共

議其形勢之錯連水流之輪委道路之支渙樹之林作藩落也有故兵寇司固所掌城郭溝池樹渠之固其地廣故頒其守於照司險所掌皆要害故有故則以其屬守之節道路所用之旌節

掌疆

開

候人各掌其方之道治與其禁令以設候人若有方治則帥而致于朝及歸送之于章

道治道途當治之事禁令以備姦寇選士卒爲之方治四方有治政之事來此國者候人迎而帥之及歸送若春秋傳樂盈過周王使候人出諸輶轅亦其一事

環人掌致師祭軍懸環四方之故巡邦國搏謀賊訟敵國

揚軍旅降圍邑

降戶江反

環人環伺以察軍中之事與秋官環人不同致師鄭康成曰古者將戰先使勇力之士犯敵左傳楚許伯御樂伯攝叔爲右以致晉師軍慝民軍中爲奸者環四方之故環伺四面或有掩襲衝突之變巡邦國從王敵懷之邦國搏執也謀賊敵國之奸細訟敵國往辨其曲直揚軍威以告敵使之畏服降卽理勢以諭敵使其降服皆不戰而屈人之師也蓋聖王之師期於止亂苟諭之而服不必定用兵以殘人也

挈壺氏掌挈壺以令軍井挈轡以令舍挈耆以令糧凡軍事縣壺以序聚櫟凡喪縣壺以代哭者皆以水火守之分以日夜及冬則以火爨鼎水而沸之而沃之

挈苦結反音本櫟栢同

挈壺主定漏刻者古法不可考鄭康成據漢法以器盛四十八箭箭各百刻以壺盛水懸於箭上節而下之水水滴一刻則爲一刻一箭當二氣倍二十四氣爲四十八刻也以令軍井軍中穿井挈壺懸其上使軍士望見

知井所在轡以止舍於所當舍止之處懸轡使知當舍止處脊以盛糧懸脊使知當粟假之處省置譚而便趨事也夜則懸壺以爲漏以次序聚而擊柝以備守喪事未大斂懸壺以記時刻使器者更代均平水以沃漏而均其晷刻火以竹箭而考其遷易冬時水凍則以火爨鼎水使沸而後沃漏免凍滯也

射人掌國之三公孤卿大夫之位三公北面孤東面卿大夫西面其摯三公執璧孤執皮帛卿執羔大夫執鴈諸侯在朝則皆北面詔相其漙若有國事則掌其戒令詔相其

事掌其治達

相息亮反

位卽司士朝儀之位路門外治朝之位也此非射人專職而云掌其位者初命爲公孤卿大夫者射人導以見王故有摯其位以北面者爲尊東面者次之西面者又次之若有外諸侯來朝位亦北面漙謂禮儀國事戎兵

之事相相司馬也詔詔與其事者自上施下曰治自下達上曰達蓋古禮射以觀德無事則以選賢有事則以禦敵凡有位於朝無不習射者其比禮比樂威儀修飭皆見於射射人正朝位而得與戒令詔相之事舊熱以為祭享誤矣

以射瀼治射儀王以六耦射三侯三獲三容樂以騶虞九節五正諸侯以四耦射二侯二獲二容樂以貍首七節三正孤卿大夫以三耦射一侯一獲一容樂以采蘋五節二正士以三耦射豉侯一獲一容樂以采芣五節二正

射瀼王射之禮其諸侯以下各自有官掌之射人但以與之耳治謂肄之兩人為耦以六耦者王射必有從三射者以六耦從王三侯虎熊豹也獲射中也容唱獲所以蒞身亦曰乏三人各唱獲則各有容也騶虞貍

首等皆詩篇名以此詩奏樂為節射者容體既比於禮其節必比於樂乃為如濫正正射時也樂雖九節而以五節為正射時也下

彷彿此凡射大濫皆然

若王大射則以狸步張三侯王射則令去侯立于後以矢行告卒令取矢祭侯則為位與大史數射中佐司馬治射正祭祀則贊射牲相孤卿大夫之濫儀

數所主反中張仲反正音政相息亮

反

步量器如後世丈量弓也刻狸於上故云狸步三侯見上司馬命量人量侯道然後射人等張之去侯立後去侯所而立王後以矢行高下左右告王下曰爾上曰揚左右曰方命令其屬也卒射畢令射鳥者取矢祭侯服不氏主之為位為服不氏受獻之位數射中數射者中侯之算射正射儀也國語禘郊之事天子必自射其

牲灋儀孤卿大夫從

王射相其灋儀也

會同朝覲作大天介凡有爵者大師令有爵者乘王之倅
車有大賓客則作卿大夫從戒大史及大夫介大喪與僕
人遷尸作卿大夫掌事比其廬不敬者苛罰之

倅七內反
比毗志反

作選使之也大夫爲上介命士以上爲眾介倅車戎車
之副王出征乘戎路副車十二乘使命士以上乘之不
敢虛位故也大史及大夫之介戒其當行者僕人大僕
也遷尸始死於北牖下遷尸於南牖小斂於戶內小斂
訖遷尸於戶外大斂於阼階大斂訖遷尸於西階以入
棺掌事王喪宜各有職掌比其廬若宮正所云親者貴
者居廬當比其本服親
疏及貴賤苛謂詰問之

服不氏掌養猛獸而教擾之凡祭祀其猛獸賓客之事則

抗皮射則贊張侯以旌居之而待獲

獲日杳反抗苦
浪反又古即反

援馴服之中膳羞者則共之抗舉也聘禮行享禮者皮幣布于庭有司舉皮以東大射禮量人巾車張三侯服不氏贊之唱獲者居於之中中則舉旌以官偃旌以商

射鳥氏掌射鳥祭祀以弓矢毆鳥鳶凡賓客會同軍旅亦

如之射則取矢矢在侯高則以并夾取之

射常亦反毆音區并卑盈反夾

音

鄭康成曰鳥謂中膳羞者鳧鴈鵠鵙之屬鳥鳶喜鈔盜便汗人取矢而矢在侯高人手不能及則以并夾取之并夾夾兩片而合以取物者

羅氏掌羅烏鳥鵠則作羅襦仲春羅春鳥獻鳩以養國老

行羽物

鳥鳥凡可供膳羞者皆是作禱當爲縞細密之羅也蜡時射既祭獸可作羅以取禽仲春鷹化爲鳩易舊而新故獻春鳥以養國老助生生之氣行頒賜也頒羽物自此順生氣而不殺

掌畜掌養鳥而阜蕃教擾之祭祀其卵鳥歲時貢鳥物共

膳獻之鳥

畜許六反又許又反

養鳥所貢鳥物養之以備用阜盛蕃蕃息如鷩鷩之屬卵鳥鳥卵而益肥實也鳥物可適於用者膳獻之鳥雉屬之

司士掌羣臣之版以治其政令歲登下其損益之數辨其年歲與其貴賤周知邦國都家縣鄙之數卿大夫士庶子

之數以詔王治以德詔爵以功詔祿以能詔事以久奠食

惟賜無常

奠音定
又如字

羣臣大臣而下畿內朝廷及鄉遂都鄙之臣版名籍捐益不特功過黜陟或事劇而益其員事少而損於其舊辨其年歲而後用之得其任知其貴賤使之然後不差卿大夫士庶子在朝及朝外人眾亦記其數而詔王以行政令爵祿本相緣也但有德者不榮祿養故以爵尊之有功則視其功之大小以爲祿有能者因其所以授之事乃易稱職食稍食奠定也外縣食有常數惟賜則加恩無常數

正朝儀之位辨其貴賤之等王南鄉三公北面東上孤東面北上卿大夫西面北上王族故士虎士在路門之右南面東上大僕大右大僕從者在路門之左南面西上

鄉許亮反

大音泰又如
字從才用反

位路門治朝之位南鄉嚮明而治也三公位尊故面南
王族故士王之族與親故之爲士者虎士虎賁侍衛之
士大右司右也大僕從者小臣祭僕御僕隸僕其南面
者王出則目送王王入則面向王蓋以據衛立於兩旁
而少後御案士之位東面者從孤西面者從卿大夫
皆在其下而稍退卿蓋卽以孤卿大夫統
之下云士旁三揖則兩旁皆有士可見矣

司士擯孤卿特揖大夫以其等旅揖士旁三揖王還揖門
左揖門右大僕前王入內朝皆退

擯臂卽反
是音旋

擯相王揖其臣下之禮特揖一揖旅眾也大夫爵同
者眾揖之等大夫有上中下也三揖者士有上中下士
御案不見士位以朝士職有明文在孤卿大夫後也
孤卿大夫旣分東西故每旁皆三揖還視朝畢而還

御案門左揖大僕大石羣僕門右揖士族故士虎士此數官之位通介路門左右王始出未揖公卿不得先揖卑者故還入門而後揖之大僕前引導王入也內朝在路門內皆退各反其官府治處

掌國中之士治凡其戒令掌擯士者膳其摯凡祭祀掌士之戒令詔相其灋事及賜爵呼昭穆而進之帥其屬而割牲羞俎豆凡會同作士從賓客亦如之作士適四方使爲介大喪作士掌事作六軍之士執披凡士之有守者令哭無去守國有故則致士而頒其守凡邦國三歲則稽士任而進退其爵祿

國中城中國中之士升於司馬者也擯士初見於王之膳其摯以其摯入於膳人所以優之也士之戒令上

中下士也凡祭祀之戒令卿大夫則射人相之司士惟相士之遽儀及神惠逮下賜爵時則呼昭穆而進之使長幼有序牲與俎豆即賜爵時之物作遷使之也會同作其可以從王者適四方使以王命適四方爲介爲大夫介聘禮大夫爲次介其餘皆士介事奠斂之屬拔以帛爲之一頭繫於戴出一頭於帷外人牽之若登高則引前適下則引後歆左則引右歆右則引左御案束棺於柩車者曰束繫棺與柳材而結之者曰戴貫結於戴而出之於外人居旁牽之者曰披車之韓前後出橫縛木於轅以屬引者曰輅以長繩屬輅之兩端而人引之者曰引引即縛也引道曰引屬於柩車者也在棺曰緇說柩車而但屬於棺執棺者在執引者之外六軍之士即六鄉之民以其鄉出一軍天子執披千人出自六鄉故號六軍之士非謂執披有七萬五千人也有職守之士但哭而無去其職守官不可空也有故喪與兵災御案國有大事王宮之士庶子則宮伯作之國子則諸子帥而致之太子羣士則司士致而頒其守鄉邑之士庶子則掌固頒其守國之守政士無不與焉以其職

義理而爲民之計且未仕而已教以與國同憂也凡邦
國之士司士作遷與之使三歲稽其任而進退其爵祿
國中不待言矣 御案司馬論辨官材其事於此職見
之國子俊選並升於司馬司馬論其賢者以告於王故
司士擯焉而膳其饗也詔爵詔祿詔事卽所謂論定後
官任官後爵位定後祿之也蓋地官師氏保氏鄉大夫
州長之屬若官大司樂樂正之屬第教士以德行道義
其敏鈍文質不齊必司馬論辨官材然後相其宜而各
得其任然使素不相習直待其升於司馬然後論之辨
之惡從得其實哉故設諸子之官凡國子之學於成均
虎門國子之符修業於鄉學者國有大事則總之而致
於太子有甲兵之事則合其卒伍會同賓客作以從王
而掌固頒城郭溝池之守政又以士庶子爲之倡則士
雖未仕而已習於政事雖未升於司馬而司馬之屬已
熟察其材質之所宜所以
論辨官材灼見而無誤也

諸子掌國子之倅掌其戒令與其教治辨其等正其位國

有大事則帥國子而致于天子惟所用之若有兵甲之事則授之車甲合其卒伍置其有司以軍灋治之司馬弗正

凡國正弗及

仲七內及天子之大音奉正音征

仲貳也卿大夫之適子爲國子其庶子爲倅諸子一名庶子官戒戒其違令令其從教治教以德行道藝而使治之等才質高下之等級位在朝廷則尚爵在學校則尚齒也大事大祭祀大喪紀大賓客太子監國百人爲宰五人爲伍置其有司臨時始置有司監之以軍灋治之屬於太子司馬雖有軍事不賦之呂氏曰古之爲國者其君臣一德非一日積也王太子與公卿大夫元士之適子共學國有大事則帥而致於太子惟所用之是太子雖未爲君而君臣交際賢不肖已悉可任使者已備先王之慮奕世不爲不豫也

大祭祀正六牲之體凡樂事正舞位授舞器大喪正羣子

之服位會同賓客作羣子從

正牲體七載之以熟而獻也舞位佾處舞器羽籥之屬服位喪服喪位作使也羣子兼國子與其佾

凡國之政事國子存遊倅使之脩德學道春合諸學秋合諸射以攷其藝而進退之

又言凡國之政事雖有作士之時然非盡士而用之必存其優游之士使脩德學道蓋以政作士子者使習其事也而脩德藝者其常職也學大學射射官進退猶賞罰

司右掌羣右之政令凡軍旅會同合其車之卒伍而比其乘屬其右凡國之勇力之士能用五兵者屬焉掌其政令

比毗志反

屬音燭

羣右戎右齊右道右也司右掌其用之之政令比之屬
之即其政令也比其乘皆有行列屬其右皆有統攝蓋
凡兵車皆有右而車既因事而殊則右之材力亦宜有
差等故必比次其乘以屬其右然後用各稱其材五兵
戈及戟會矛夷矛也政令教之之政令按戎右齊右道
右皆朝夕執事於王所無府史胥徒而戎右中大夫齊
右下大夫司右以上士掌之者司右主教勇力之士以
備車右因於軍旅會同時合其卒伍而比其乘屬其右
屬之者屬之使戒慎也不相臨制也

虎賁氏掌先後王而趨以卒伍軍旅會同亦如之舍則守
王闕王在國則守王宮國有大故則守王門大喪亦如之
及葬從遣車而哭適四方使則從士大夫若道路不通有
徵事則奉書以使于四方

賁音奔先細宴反後荷漏反
舍音赦從如字使所吏反

王出虎賁士居前後卒伍雖羣行必有行列也舍王所止宿處闕楹柱也大故謂兵災遣車王之魂魄所憑依士大夫使於四方虎賁之屬從以護王命不通逢兵寇或泥水奉書徵師役也

旅賁氏掌執戈盾夾王車而趨左八人右八人車止則持

輪凡祭祀會同賓客則服而趨喪紀則衰葛執戈盾軍旅

則介而趨肩常準反衰七雷反

執戈盾以衛王也車行勢疾慮其將止而不止故持輪服而趨服其常服夾王車而趨葛經介被甲也

節服氏掌祭祀朝覲袞冕六人維王之大常諸侯則四人

其服亦如之郊祀裘冕二人執戈送逆尸從車

御案王祭祀賓客之服大僕正之燕服小臣正之節服氏則朝夕王所而時視衣服之節適者獨列祭祀朝

甄維大常郊祀從尸車見從王而供別役惟此三事他
事不供惟簡服是司也維持之也王旌十二旒兩兩以
縷綴連旁三人持之其服亦如之亦有如簡服氏者司
之也裘大裘從車從尸車送逆之按尸知祀配天者之
尸也先儒以為天亦
有尸不已褻瀆乎

方相氏掌蒙熊皮黃金四目玄衣朱裳執戈揚盾帥百隸
而時難以索室毆疫大喪先匱及墓入壙以戈擊四隅毆

方良相息亮反難乃多反先悉薦

人神一氣幽明一理也陰陽之氣不和時或為災而神
鬼憑之非有德者無以禦之故設方相氏時難毆疫難
有三月令季春命國難仲秋天子乃難季冬大難蒙熊
皮示猛也黃金四目元衣朱裳象神也執戈揚盾毆之
也百隸徒役也先匱先瓶而行亦毆凶邪之意喪未入
壙先入壙以戈擊四隅毆罔兩非真有罔兩也以示驅

不解之意

大僕掌正王之服位出入王之大命掌諸侯之復逆王眡朝則前正位而退入亦如之

服位治朝及路寢之服位若小寢之服位則小臣正之服王舉動所當衣位立處出大命王之教也入大命羣臣報奏復諸侯奏事逆受下奏正位而退大僕本位在路門之左王眡朝進前正位訖還退在本位王退入路寢聽事時亦前正王位卻位立

建路鼓于大寢之門外而掌其政以待達窮者與遽令聞鼓聲則速逆御僕與御庶子

大寢路寢也其門外則內朝之中大僕與御僕常在大寢之門內而御庶子則在門外於大寢之門外設大路

御庶子守之吏士有枉抑於長官之窮者與非常急遽之事上聞則擊鼓御庶子以達御僕而大僕速逆之以達於王逆迎也迎其所欲達而不畱滯故曰速逆

祭祀賓客喪紀正王之服位詔瀟儀贊王牲事王出入則

白左馭而前驅

祭祀賓喪王之服位各殊故大僕正之瀟儀禮瀟儀文也大宰大祭祀贊王射牲此並舉祭與賓客則不射牲而割與匕王猶親之贊或授刀授匕或代王終割與匕之事皆是其割之事猶有內外養大僕祇就王所親者贊之耳喪紀牲事王不親則無庸大僕贊直正服位詔瀟儀而已出入王以政事出入若燕出入則小臣前驅也左馭乘王之倅車居左自馭以職主於御也

凡軍旅田役贊王鼓救日月亦如之大喪始崩戒鼓傳達

于四方窆亦如之縣喪首服之澣于宮門掌三公孤卿之

弔勞

窆彼驗反縣音懸勞力報反

贊王鼓王親將王擊乃擊之或王命代擊也亦如之亦贊鼓也戒鼓擊鼓以警眾窆下棺也首服婦人首服澣所用物材與長短廣狹之數小宗伯所縣男子之衰冠也與此異掌弔勞者弔勞公卿王有故不親往則大僕奉使以往也

王燕飲則相其澣王射則贊弓矢王眡燕朝則正位掌擯

相王不眡朝則辭于三公及孤卿

相息亮反

燕飲與諸侯或羣臣燕皆有酬酢升降洗爵等禮相亦贊也射大射燕朝路寢之朝治朝無坐澣內朝有時而坐故云燕正位掌擯相肅朝儀不以燕而疏也如王有故不視朝以其故告於三公孤卿非不可以視朝而廢

朝亦必論
諫之矣

小臣掌王之小命詔相王之小瀼儀掌三公及孤卿之復

逆正王之燕服位王之燕出入則前驅

鄭康成曰小命時事所救問也小瀼儀趨行拱揖之容
賈氏公彥曰諸侯賓也故其復逆掌於大僕三公孤卿
在朝之臣故小臣掌之燕
燕居時燕出入游觀之時

大祭祀朝覲沃王盥小祭祀賓客饗食賓射掌事如大僕
之瀼掌士大夫之弔勞凡大事佐大僕

王將獻尸賓先盥手洗爵小臣爲沃水盥手賓射與諸
侯來朝者射對大射言則爲小其射前亦必有燕若饗
食則無射瀼如大僕之瀼卽正王服位詔儀瀼贊牲事
弓矢之類弔勞亦王所使也以上皆其專職凡大事亦

佐太僕
爲之

祭僕掌受命于王以眡祭祀而警戒祭祀有司糾百官之

戒具既祭帥羣有司而反命以王命勞之誅其不敬者

王有故不親祭故使祭僕視之有司有事於祭祀者糾校錄其當供之牲物勞其有功而誅其不敬不以王不親而或疏肆也

大喪復于小廟凡祭祀王之所不與則賜之禽都家亦如

之凡祭祀致福者展而受之

與音預

賈氏公彥曰大喪王喪也王生時所有事之處皆復此祭僕復小廟其大廟則夏采復小寢大寢則隸僕復也小廟高祖以下王所不與謂畿內山川及公卿百辟前哲有功德於民者都家王之親屬懿親賜之禽使其主

者祭之臣有祭事致祭肉於君祭僕錄視其牲體之數而受之蓋大夫已上若士則必所祭爲王之懿親然後得致之

御僕掌羣吏之逆及庶民之復與其弔勞大祭祀相盥而

登大喪持嬰掌王之燕令以序守路鼓

相並去聲
嬰所耳反

羣吏大夫士以下國有大事訊萬民則有復羣吏庶民有忠勤死國事者亦弔勞之相盥奉槃授巾登爲王登牲體於俎嬰以木爲匡衣以白布畫雲氣曰畫嬰畫繡曰繡嬰天子八諸侯六大夫四士二持之夾柩車而行人壙則樹之四旁燕令燕居時之令序更番也

隸僕掌五寢之埽除糞洒之事祭祀脩寢王行洗乘石掌蹕官中之事大喪復于小寢大寢

御案五寢即天官宮人所堂之小寢五也宮人所掌
尤重路寢隸僕直五寢而已宮人於凡脩除井區并掌
之隸僕但事埽除糞洒而已祭祀王惟居路寢不居小
寢故乘隙脩之乘石王登車之石蹕清道也小寢王之
五寢大
寢路寢

弁師掌王之五冕皆玄冕朱裏延紐五采纁十有二就皆
五采玉十有二玉笄朱紘諸侯之纁旂九就璫玉三采其

餘如王之事纁旂皆就玉璫玉笄纁古纁字音早紘戶成

尤反一音游璫本又作
璫密寅反璫替宴反

冕俯也前俯而後仰也王之吉服六而冕止五者大裘
與袞同一冕也凡冕以版廣八寸長尺六寸續麻三十
升布染而衣之上元下朱延即上元者也紐小鼻綴於
冕兩旁垂之武兩旁作孔以笄貫之使牢固五采纁以

五采絲爲繩而貫以五采玉其纁與玉各十二垂於延前後所謂延延也就匝也每一匝而貫五采玉其間相去一寸結之使不相並也并簪也朱紱以朱絲爲繩上屬於并下繞於頤以固冠也九就上公之制三采朱白蒼其餘謂延細皆元覆朱裏與王同也纁旂皆就侯伯子男其纁旂亦各有就侯伯七命則七就子男五命則五就也玉璫充耳之飾於諸侯言之則天子可知

王之皮弁會五采玉璫象邸玉并王之弁經弁而加環經諸侯及孤卿大夫之冕青弁皮弁弁經各以其等爲之而

掌其禁令

會儀禮作髻古外反又戶外反琪音其邸丁禮反

王之吉服其弁有三韋弁用於兵冠弁用於田獵惟皮弁用以祗朝故特言之會縫中也璫結也皮弁之縫中每貫結五采玉十二以爲飾謂之綦詩曰會弁如星又云其弁伊綦是也邸下祗也以象骨爲之弁經王之弔

服環經如緦之麻經素冠之上加以此諸侯五等諸侯
孤卿大夫諸侯之卿大夫也各以其等各以其命數爲
纁玉之數不得僭越也

司甲闕

司兵掌五兵五盾各辨其物與其等以待軍事及授兵從
司馬之灋以頒之及其授兵輸亦如之及其用兵亦如之

盾常

準反

五兵戈矛戟戟會矛夷矛也五盾干櫓之屬其名未盡聞
物謂良苦等謂長短輕重司馬之灋師旅卒兩人數多
少兵輸師還有司所還之
兵用兵出給守衛之兵

祭祀授舞者兵大喪瘞五兵軍事建車之五兵會同亦如

之
廢虛
金反

授舞者兵朱干玉戚之屬廢五兵明器之役器
五兵也軍事揀兵於車較及輿出先刃入後刃

司戈盾掌戈盾之物而頒之祭祀授旅賁父故士戈盾授
舞者兵亦如之軍旅會同授貳車戈盾建乘車之戈盾授
旅賁及虎士戈盾及舍設藩盾行則斂之

戈矛戟盾干櫓也戈所以克敵盾所以衛身戎備之最
急者頒分也故士王族士也父如杖長尋有四尺貳車
有車右故授以戈盾乘車王所乘車舍止也
藩盾以盾爲藩衛高於人所持者行則收之

司弓矢掌六弓四弩八矢之灋辨其名物而掌其守藏與

其出入

藏才
浪反

濶曲直長短之數曰王曰弧曰夾曰庾曰唐曰大辨其名也彤弓赤弧弓黑天子之弓彤與弧辨其物也弓矢畏濕喜燥貴正賤敵守藏不可不慎自弓人矢人入於司弓矢則有選擇之渡自司弓矢頒於有司則有頒受之儀事畢復自有人於司弓矢則又核之

中春獻弓弩中秋獻矢箛及其頒之王弓弧弓以授射甲革楯質者夾弓庾弓以授射豸侯鳥獸者唐弓大弓以授

學射者使者勞者其矢箛皆從其弓中音仲箛音服射常亦反楯張林反夾古

洽反庾讀作庚豸音岸使所吏反

弓弩成於陽和之時故春獻之矢箛成於陰堅之時故秋獻之獻獻于王也箛盛矢器以皮爲之往體寡來體多曰王弧往體多來體寡曰夾庾往體來體如一曰唐大甲革草甲也質正也樹楯以爲射正射甲與楯試弓

習武也。狩侯五十步與射鳥獸皆近射。近射用弱弓。故授夾庾學射者與使者勞者皆用強弱各半之中弓。可遠而可近也。勞者勤勞王事以弓勞之。從其弓從弓數。每弓一箠百矢也。

凡弩夾庾利攻守。唐大利車戰。野戰凡矢枉矢絜矢利火射用諸守城。車戰殺矢鏃矢用諸近射。田獵矰矢蒺矢用

諸弋射恆矢瘳矢用諸散射

絜音結又戶結反鏃音侯矰音增蒺音非瘳必二反

弩弦恆張而不弛。弱而發疾。攻城壘與自守利用此車戰。野戰非強則不及。故利用唐大枉矢取名。變星飛行有光一謂之飛矛一謂之兵矢。絜矢輕重象枉矢二者皆可結火以射敵殺矢言中之則死鏃矢象之二者皆可以伺候射敵之近者及禽獸結繩于矢謂之矰矰高也。取上射飛鳥義。弗矢象之茆之言刺也。二者皆可以弋飛鳥。刺羅之恆矢安居之矢瘳矢象之二者皆可以散射散射禮射及習射也。

天子之弓合九而成規諸侯合七而成規大夫合五而成

規士合三而成規句者謂之弊弓

句音鉤

成規者圓也以合幾成規而計其等差此制弓之大濫也句者曲之甚合九成規者句最少合七合五則句漸多句少者弱句多者強弱柔和也弓以弱而能射遠者為良合九成規者材極嫩工極巧以射則心手相應巧力易施而不覺其難是以天子用諸侯至大夫以次而差士與大夫同射近侯云合三者畧次於大夫非誠有合三成規之弓合三而圓之弓不可射也弊猶惡也句者曲之甚弓以弱為上強為下則直者善而曲者惡矣

凡祭祀共射牲之弓矢澤共射樞質之弓矢大射燕射共弓矢如數并夾大喪共明弓矢凡師役會同頒弓弩各以其物從授兵甲之儀田弋充籠箠矢共矰矢凡亡矢者弗

用則更

國語補郊之事天子必自射其牲澤澤宮也習射選士之處其堪質之弓亦兼取勇力者非專以此選士也記曰射中者得與於祭不中者不得與於祭如數如其當射者之數夾并夾也義見射鳥氏言大射燕射並賓射亦然明弓矢明器之弓矢各以其物或利攻守或利戰或利射鳥獸之類如司兵授兵從司馬濶籠竹簾也禮射佩矢有數不必滿籠軍旅則籠籠之外多備之以防既之用弋則充其籠籠而止矰矢有繩繳非籠籠之物故別言之亡矢不用於射而亡棄之則令償之

繕人掌王之用弓弩矢箠矰弋挾拾掌詔王射贊王弓矢之事凡乘車充其籠籠載其弓弩既射則斂之無會計

穴反會

古外反

執以骨爲之著石大指以鉤弦拾以韋爲之著右臂裡以遂弦贊者大僕贊王繕人又其大僕也凡乘車凡天子乘車則充之載之以備非常無會計不可會計也

橐人掌受財于職金以齎其工弓六物爲三等弩四物亦如之矢八物皆三等箛亦如之春獻素秋獻成書其等以饗工乘其事試其弓弩以下上其食而誅賞乃入功于司弓矢及繕人凡齎財與其出入皆在橐人以待會而攷之

亡者闕之

齎音咨試一作考會古外反

齎其工給市財用之直六物卽前之六弓四物卽前之四弩三等上中下之身材長短也八物卽前之八矢矢與箛皆如弓而別三等爲之素粗具形遽成則飾治已成也春秋者限之以時不迫亦不怠也獻工人獻于橐

人書其等書工人高下之等材有良苦上工爲其良下工爲其苦乘計也計其事工有敏鈍敏者所作恆多鈍者所作恆少試其弓弩以觀其巧拙堅瑕入于司弓矢以待頒人于繕人以待王用凡齎工之財收發皆案人主之闕猶除也亡者除之計其現在者

戎右掌戎車之兵草使詔贊王鼓傳王命于陳中會同充

草車盟則以玉敦辟盟遂役之贊牛耳桃茢

使所吏反傳平聲陳去聲

敦音對辟音闕

戎右與王同車執戈盾以備非常或王有兵草之使亦充之詔贊既告王鼓亦助王擊之軍旅田役大僕贊王鼓大僕駟乘者也有時參乘無大僕則戎右詔之贊之會同王乘金路戎右乘君之草車以從充之者居左也敦器名辟盟開辟盟載之書役之傳敦與血授當獻者贊牛耳尸盟者割牛耳取血助爲之及血在敦中以桃

菊柳之又助之也盛牛耳以珠盤尸盟者
執之桃鬼所畏刻茗帚所以驅不祥也

齊右掌祭祀會同賓客前齊車王乘則持馬行則陪乘凡

有牲事則前馬

齊側皆反
乘音繩

齊右充金路玉路之右以輔王賓祭蓋臨時選能而使
無專官也前齊車王未乘時立于馬前以防奔逸方乘
則持馬已乘而行則驂乘牲事前馬者王齊行不出朝
廟官庭見牲王必式齊右下車立于馬前亦備驚奔也

道右掌前道車王出入則持馬陪乘如齊車之儀自車上

諭命于從車詔王之車儀王式則下前馬王下則以蓋從

從才
用反

道車在道之車臣民觀瞻所係故道右特掌其車儀自
由也從車貳車王氏昭禹曰不廣欵口之儀不妄指手

之儀立視五禱式視馬尾目之儀顧不過轂首之儀也
以至升車必正立執綬不疾言不親指不內顧無非車
儀之

大馭掌馭玉路以祀及犯軼王自左馭馭下祝登受轡犯
軼遂驅之及祭酌僕僕左執轡右祭兩軼祭軼乃飲凡馭
路行以肆夏趨以采薺凡馭路儀以鸞和爲節

軼音止軼

音凡齊才私反

馭而曰大以其御王且嫺禮也祀蓋郊祀天故有祭軼
之事行山曰軼封土爲山象以菩芻或棘或柏爲神主
犯者祭軼畢卽以車轢之而行示行險如夷也馭將祭
軼必下車王代之執轡以示敬故曰自馭也馭下祝而
祭登車受轡于王手犯軼而行遂驅之祭卽馭下車祭
時軼兩軼軼車軼前也又言馭非但祭軼亦祭軼與軼

祭輶畢則酌馭馭左手執轡右手祭兩軹並祭轅祭訖乃飲若祭祀之飲福僕即馭也以上言大馭之所事凡馭以下言大馭之必嫻於禮路五路肆夏采齊皆樂章工奏肆夏則路行緩而鸞和之鳴疏工奏采齊則路行疾而鸞和之鳴數蓋舒疾之節隨在有之鸞和皆以金爲鈴鸞在衡和在軾鸞先鳴而和後應即記所謂以樂爲車也

戎僕掌馭戎車掌王倅車之政正其服犯輶如玉路之儀

凡巡守及兵車之會亦如之掌凡戎車之儀

倅七內反

鄭康成曰戎車革路也師出王乘以自將倅副也服烈乘戎車者之衣服賈氏曰服常弁服也御案郊壇至近且犯輶則以田以鄙國外會同皆犯輶可知獨言巡守及兵車之會舉遠也行道按壘禱戰誓師鼓進受愷各有儀禮皆戎僕掌之而平日教導之

齊僕掌馭金路以賓朝覲宗遇饗食皆乘金路其灋儀各以其等爲車送逆之節

賈氏公彥曰天子不下堂而見諸侯並無迎賓灋因朝覲宗遇而與諸侯行饗食在廟卽有乘金路迎賓客之灋鄭康成曰節王乘車迎賓客及送相去遠近之數上公九十步侯伯七十步子男五十步

道僕掌馭象路以朝夕燕出入其灋儀如齊車掌貳車之政令

朝夕燕出入朝夕視朝或以燕遊出入貳車副車

田僕掌馭田路以田以鄙堂佐車之政設驅逆之車令獲者植旌及獻比禽凡田王提馬而走諸侯晉大夫馳

比毗志反

田路木路也取其樸素渾堅山川草野之地便于馳逐
田田獵鄒循行縣鄒省耕省斂之類佐亦副也驅驅之
使就獲逆迎邀之獲禽者使自植旌以表比禽比次所
獻禽物各以類相從且別其上殺中殺下殺之等提勤
康舊也晉進也王較常行車為速
諸侯更速大夫則馳尊卑之別也

馭夫掌馭貳車從車使車分公馬而駕治之從才用反

鄭康成曰貳車象路之副從車戎路田路之副
使車驅逆之車分公馬而駕治乘調六種之馬

校人掌三馬之政辨六馬之屬種馬一物戎馬一物齊馬

一物道馬一物田馬一物駑馬一物校戶教反齊側皆反

鄭康成曰政差擇養乘之數賈氏公彥曰下文辨六馬
差擇也凡頒良而養乘養乘也愚按種馬良馬可以為
種者戎馬以下四者不必無種馬但隨其材之所宜而辨之惟
駑馬用斯下耳

凡頒良馬而養乘之乘馬一師四圉三乘為皐皐一趣馬

三皐為繫繫一馭夫六繫為廐廐一僕夫六廐成校校有

左右驚馬三良馬之數麗馬一圉八麗一師八師一趣馬

八趣馬一馭夫

乘繩證反趣倉走反
繫音計本又作駮

良善也養馬者趣馬以下之職乘分配之也凡用馬各有所宜齊道戎田之類亦各有主者校人特頒良馬而使養乘耳乘馬一師以下言分司馬政之人麗馬一圉以下言乘馬之事校人所頒領此等也師也圉也趣馬也馭夫僕夫也皆分司養乘之人校即校人也皐繫廐等因馬之多寡而為之名良馬以供天子五路之用駮馬則給役役多故三良馬之數麗馬將用馬時選擇而配合之麗兩物相耦之名也如麗馬而為一乘則一圉人掌之以次愈多則其掌之者愈尊註疏以馬數多寡計而麗馬以下與上一而四圉等相背且忘周制田賦

出車之義似天子必多馬卽下文天子十有二閑節亦相乖不可從也

子十有二閑馬六種邦國六閑馬四種家四閑馬二種

閑卽廐也以其防閑之亦名閑馬六種卽上文六等之馬諸侯以下殺於天子不必皆備此但明畜馬之大概而非區區計其數也前人誤

凡馬特居四之一春祭馬祖執駒夏祭先牧頒馬攻特秋

祭馬社臧僕冬祭馬步獻馬講馭夫

特壯馬也牡馬必扇而後馴調牡馬四則扇其三而存其一對扇而言故曰特一特將三牝以爲孕字馬祖天駟房星也春孕字之時祭之以祈馬馬二歲曰駒執猶拘也拘之母令近母先牧始養馬者夏草茂祭之以求肥充攻特去其勢也馬去勢曰驟牛曰犗羊曰羯攻特必於其駒時氣血乃易長而不傷馬社始乘馬者世本

曰相土作乘馬秋時馬肥盛可乘用故祭始乘馬者臧僕簡練僕馭使皆善也馬步神爲害於馬者步與酺字異而音義同言飲酒作樂以祭之獻馬以冬時萬物成獻馬於王也講簡習之

凡大祭祀朝覲會同毛馬而頒之飾幣馬執扑而從之凡賓客受其幣馬大喪飾遣車之馬及葬埋之田獵則帥驅逆之車凡將事于四海山川則飾黃駒凡國之使者共其

幣馬凡軍事物馬而頒之等馭夫之祿宮中之稍食

宮當作官

鄭康成曰毛馬齊其色也頒授當乘者飾幣馬王賜諸侯車服必以幣從或加賜有馬而以幣將皆校人飾之也執扑而從使人執之非校人自執也賓客來朝聘而享王者遣車之馬芻靈也驅逆之車田僕設之校人帥之王巡狩過大山川有殺駒以祈沈之祭飾黃駒地神象其色也使王使于諸侯之國者使臣行聘後有私

觀其醫馬亦校人共之物馬齊其力等比次之宮中謂圉師以下

趣馬掌贊正良馬而齊其飲食簡其六節掌駕說之頒辨

四時之居治以聽馭夫

說音脫又始銳反

良馬頒於校人而趣馬實朝夕拊馴之其性質血氣知之尤詳故贊校人正其等而宜用之六節行止進退馳驅之節也簡習之用馬當均其勞逸故或駕或說頒時審之居馬所居四時之居如二月已前八月已後在廄二月已後八月已前在牧治謂執轡攻特之屬趣馬下士馭夫中士故聽之

巫馬掌養疾馬而乘治之相醫而藥攻馬疾受財于校人

馬死則使其賈粥之入其布于校人

賈音古粥音育

巫知馬崇醫知馬疾故巫馬獸醫崇則祈之疾則治之乘驅步之以知其疾之所在也財祈具及藥直賈其屬

賈二人弼賣也布泉也

牧師掌牧地皆有厲禁而頒之孟春焚牧中春通淫掌其

政令凡田事贊焚萊

中音仲

牧地非一處度其水草之所宜與馬之眾寡而頒之厲禁禁民不得輒牧馬焚牧地以除陳生新草也中春陰陽交時通淫合牝牡也田事宜焚萊而司燿有火禁牧師通掌歲內之牧地故凡田者皆受令於山澤之虞而又使牧師贊之

庾人掌十有二閑之政教以阜馬佚特教馳攻駒及祭馬

祖祭閑之先牧及執駒散馬耳閑馬正校人員選馬八尺

以上爲龍七尺以上爲駮六尺以上爲馬

駮徒刀反

鄭康成曰阜盛壯也詩云四牡孔阜伏用之不過勞三歲曰駢教乘習之也攻驟其蹄蓋者校人祭馬祖時則祭閑之先牧校人命執駒時則散馬耳圉馬散馬耳者昭其耳使不驚圉者禁制之使不得近母校人將選員正選擇可備員者俟校人選之謂圉師以下也龍驤馬因其大小而異名耳月令駕蒼龍詩曰駟北三千

圉師掌教圉人養馬春除薶廐始牧夏庠馬冬獻馬射

則充樁質茨牆則翦闔尊音尋庠音迂

養馬之所曰圉師其長也冬寒以草藉馬曰薶春則除之去穢汗也薶廐辟邪氣也始牧乘新草也庠廐也所以底馬使涼獻馬獻校人也樁質習射之的充其也茨蓋也闔苦也蓋牆之時則翦其苦以其莖斬馬草習其事也

圉人掌養馬芻牧之事以役圉師凡賓客喪紀牽馬而入

陳廐馬亦如之

役聽圉師使令也王所賜賓客之馬則就其館陳之喪紀之馬將葬朝廟既夕禮所謂薦馬纓三就者則入廟陳之廐馬明器之馬人捧之亦牽而入陳

職方氏掌天下之圖以掌天下之地辨其邦國都鄙四夷入蠻七閩九貉五戎六狄之人民與其財用九穀六畜之

數要周知其利害

閩音民貉音類畜許六反

天下之圖輿地圖也此通中國及外裔而掌之周知其人民財用畜穀利害不特政教異施其有不靖者亦得征討之故隸於司馬夷蠻閩貉戎狄皆總名其類甚多此言四八七九五六特以周時隸屬者言之下文專言中國九州之邦國以夷蠻等處周時但羈縻之不入王制也

乃辨九州之國使同貫利

貫聯絡貫穿又習也凡政教禮樂皆同習之利非止財利凡民生利益之事皆同之此二句總貫下文

東南曰揚州其山鎮曰會稽其澤數曰具區其川三江其浸五湖其利金錫竹箭其民五男二女其畜宜鳥獸其穀

宜稻

會古外反浸子蔭反

禹貢揚州之域東距海北據淮殷人以淮入徐故揚州止謂之江南周人復以入揚循禹之舊鎮安鎮一方會稽山在會稽縣東南二十里大澤曰數具區震澤也一名太湖在蕪州西南四十五里廣三萬六千頃中有七十二山蕪州之吳縣吳江湖州之烏程長興常州之宜興武進無錫皆濱之水流趨海者曰川三江之說不一黃氏度曰岷江松江浙江也蓋岷自彭蠡而下合池宣昇瀾真揚諸州水在其北松江合湖秀蕪常諸州水居

其中浙江合衛婺徽嚴杭越諸州水在其南此為全吳
地城愚按禹貢三江地理今釋以為南江北江中江蓋
亦該得黃氏之說而經文無游松之名者禹時尙無此
周時亦未有此名也水積成淵曰浸五湖之說亦不一
揚州地瀾湖侵繁多職方所言蓋其浸之大者後人隨
時異稱蓋不可拘以釋經鄭康成曰錫鐵也箭篠也鳥
獸孔雀鸞鵠鴈犀象之屬和宜於水
揚州地卑厥土塗泥故其穀宜稻

正南曰荊州其山鎮曰衡山其澤藪曰雲夢其川江漢其

浸潁湛其利丹銀齒草其民一男二女其畜宜鳥獸其穀

宜稻音鳴風反湛音沈又直減反

禹貢荊及衡陽惟荊州周如禹之舊衡山今屬衡州府
連亘數邑雲夢二澤名左傳楚子涉睢濟江入於雲中
則在江之北者為雲楚子以鄭伯田于江南之夢則在
江之南者為雲蓋雲夢非一澤而每處有名者也江水

出岷山滙眾流而下至湖北武昌府與漢水合至南通
州入海漢水出嶓冢山至漢陽縣漢口合岷江荊州之
川不一以江漢為大故並言之穎湛今無考御案浸
緒水之陂澤也穎湛特川之小者古今名號無常或經
傳字畫訛異不可得而確指要非楚境諸湖
不可破此名也丹丹砂齒象齒草犀草也

河南曰豫州其山鎮曰華山其澤藪曰圃田其川滎雒其

浸波澨其利林漆絲枲其民二男三女其畜宜六擾其穀

宜五種

華樹化反又如字華當作嶽圃音補榮
戶青反澨莊加反又音許枲思里反

易氏祓曰禹貢荊河為豫州其封在大河之南南條荆
山之北故曰荊河殷之豫州則南境距漠北境接河故
曰河南周人於豫州亦曰河南而南境則仍禹之舊華
山今屬陝西華陰縣周時亦非豫州地蓋經文傳寫之
譌當為嶽山謂中嶽嵩山也圃田在中牟滎澤在今河
南開封府滎陽縣南三里古城村禹貢導沈水益為滎

厥後濟不溢河榮澤遂枯居民猶謂其地為榮澤雒水
出今陝西西安府雒南縣界嶺山至河南府鞏縣入河
波漾未詳鄭康成曰林竹木也六擾
馬牛羊豕犬雞五種黍稷菽麥稻

正東曰青州其山鎮曰沂山其澤藪曰望諸其川淮泗其
浸沂沭其利蒲魚其民二男二女其畜宜雞狗其穀宜稻

麥述
述誦音

易氏祗曰禹貢有青有兗有徐豫并青於徐而徐兼揚
之淮故江南曰揚州周復以淮歸揚而并徐於青正在
畿東故曰正東御案據下文川澤則青州之西南侵
豫南并徐且跨淮而與揚接矣沂山沂水所出在今山
東青州府臨朐縣南五十里望諸又曰盟諸孟諸明諸
在今河南歸德府商邱虞城二縣界禹貢海岱及淮惟
徐州又云淮沂其乂此在青州者周以禹貢徐州地為
青州也淮水發源河南南陽府桐柏縣桐栢山下有

淮井泉源所出水經云胎簪山者桐柏之支峰也泗水
出山東兗州府泗水縣東五十里陪尾山四源竝發故
名沂水出山東沂州府沂水縣西北一百七十里
雕崖山沭水出東莞縣南至下邳合泗水而入淮

河東曰兗州其山鎮曰岱山其澤藪曰大野其川河沛其

浸廬維其利浦魚其民二男三女其畜宜六擾其穀宜四

種沛子禮反廬維依鄭注
作雷雍廬石經作盧

易氏祓曰夏殷皆言濟河惟兗州謂東河之東濟水之
北也周人以青兼徐而兗州又越濟之東南故徐之岱
山大野皆屬兗而曰河東岱山在今泰安府泰安縣大
野澤一名鉅野在今山東曹州府鉅野縣東五里南北
三百里東西百餘里河即黃河出今西蕃巴顏喀拉山
東名阿爾坦河至陝西臨洮府河州入中國界過蘭州
又折而東北經寧夏府流出塞外又東南至延安府谷
縣入塞南流至潼關縣又折而東由河南山東界至江

南淮安府安東縣入海河行萬餘里而以爲兗州之川者河自魏至滄凡一千三百餘里其河之東境皆兗州之域也洸卽濟水出今河南懷慶府濟源縣王屋山既見而伏至濟源縣西北五里重源縣發自東西二池合流至溫縣東南入河其後濟水枯不復截河今之濟非復禹時及周時之舊矣廡維顏師古黃虔謂廡卽久台水維卽濰水御案以其在青州境故從鄭康成雷卽雷澤今山東曹州府濮州東南有雷澤雍卽濰水出濮州雷澤縣平地去縣四十里鄭康成曰四種黍稷稻麥

正西曰雍州其山鎮曰嶽山其澤藪曰苙蒲其川涇汭其浸渭洛其利玉石其民三男二女其畜宜牛馬其穀宜黍

稷

雍於用反華當作嶽汭如銳反

易氏祓曰禹貢有雍有梁故梁爲正西而雍爲西北殷周皆省梁入雍故爲正西愚按周武王克殷庸罰羌髡

俱從而後不入中國蓋以其地險遠荒服治之嶽山鄭
康成以爲吳嶽卽嶽山也一名吳山在今陝西鳳翔府
隴州南八十里然吳嶽不見於六經中嶽嵩山爲五嶽
之長何以不爲豫州之鎮以本經文考之合岱華嶽衡
恆爲五嶽可知嶽山必不遺其一而此文爲傳寫字誤
明矣茲蒲數在今隴州汧源縣涇水出今甘肅平涼府
平涼縣西南并頭山亦名崆峒山東至西安府安陵縣
西南入渭水出平涼府華亭縣北有二源北源出狄
頭山之朝那湫南源出齊山至縣東與北河合又東至
西北入涇渭水出甘肅蘭州府渭源縣西烏鼠山東至
同州府華陰縣東北入河水源出今合
水縣其下流曰洛川縣洛源縣入渭

東北曰幽州其山鎮曰醫無閭其澤藪曰猋養其川河泚
其浸菑時其利魚鹽其民一男三女其畜宜四擾其穀宜

三種泚子禮反菑禹貢作滌

易氏蔽曰舜十二州本有幽州水土既平因冀爲帝都
省幽州入冀殷人南都河南之亳復舜幽州之名周人又
以幽州兼殷之營州實禹貢青州隔海東北之境故曰
東北御案幽之東北以醫無閭爲鎮而南至淄水則
跨海而與青州接界矣醫無閭在今錦州府廣寧縣北
綏義澤在東萊琅邪兩郡之間河沾以今考之與幽州
無涉或古九河及流在幽州境水道遷徙固無常也淄
水出青州府益都縣西南時水卽烏河出青州府臨淄
縣西南四擾馬牛羊豕三種黍稷稻
易氏蔽曰幽州跨海故有魚鹽之利

河內曰冀州其山鎮曰霍山其澤藪曰楊紆其川漳其浸
汾潞其利松柏其民五男三女其畜宜牛羊其穀宜黍稷

對影
俱反

易氏蔽曰舜十有二州有幽州冀水土既平以冀爲帝
都省幽州并入冀故禹貢冀州東西南三面距河而北境

則越乎常山今之燕雲營平諸州皆其地殷人以冀州
北境復舜之幽州而東西南皆禹之舊蓋東河之西
河之東南河之北也故曰兩河間周人又分冀州而復
舜之并州故曰河內而已霍山在今山西平陽府霍州
東三十里古竈地楊紆澤未詳漳水二一出山西平定
州樂平縣西南三十里沾嶺水經注所謂少山大壩谷
也一名爲清漳一出山西潞安府長子縣西五十里發
鳩山二水分流至河南彰德府交漳口會東行入衛河
下文遞分支派有老漳新漳之分老漳新漳均至天津
入海汾水出汾陽縣至河中府之寶鼎縣北入於河
御案潞水有二其一卽濁漳乃一水而二名今潞安府
潞城縣因水得名者也其一自塞外經密雲至天津入
海者卽今京東之北運河名爲白
河亦曰潞河杜佑通典所指也

正北曰并州其山鎮曰恆山其澤藪曰昭餘祁其川庫池
嚙夷其浸涑易其利布帛其民二男三女其畜宜五擾其

穀宜五種

并卑反嘔翁侯反一音區

易氏祓曰舜時有并州禹貢以并入冀殷因之周復分

冀立并州以天下之勢言之冀州在西河之東雍州在

西河之西而并州在冀州之北故曰正北恆山有二一

在今直隸定州曲陽縣西北百四十里一在渾源州此

當指在渾源者昭餘祁在今山西太原府祁縣東七里

一名大昭一名大谷水俗名鄆城泊御案庫池水在

今山西代州繁峙縣東北泰戲山至直隸天津府靜海

縣小直沽入海嘔夷水在今大同府蔚州靈邱縣西北

高氏山一名唐河至直隸保定府安州北合於易水涑

水即拒馬河發源直隸易州廣昌縣流入紫州關過易

州西北界下房山縣境分爲二支一東流涿州經固安

縣東南入桑乾河一南流涑水縣經定興新城入白溝

河易水在易州南三十里發源易州寬中谷流至定興

縣北河村合拒馬河入白溝鄭康成曰五擾馬牛羊犬

豕五種黍稷麥菽稻薛氏季宣曰冀竟青徐揚荆豫梁

雍禹貢之九州也冀豫雍幽營揚兗荆徐爾雅之九州

也揚荆豫齊兗雍冀幽并職方之九州也郭璞以爾雅爲商制按三代聖主各因時而制宜皆因山川物產居民之利而分疆域其四方外裔不入版圖者尙多此記九州民人膏穀亦大概言之有不可以拘論者蓋人民久漸被化物產或古無今有今無古有必鑿以求之則誣

乃辨九服之邦國方千里曰王畿其外方五百里曰侯服又其外方五百里曰甸服又其外方五百里曰男服又其外方五百里曰采服又其外方五百里曰衛服又其外方五百里曰蠻服又其外方五百里曰藩服

辨者辨其地域人民險夷豐瘠之異而掌其籍以便稽考也王畿之內天子自治侯甸男采衛亦其君之自爲

治而秉禮樂征伐於天子蠻夷鎮藩則但貢服於王而不必皆周禮樂制度者也服服事天子侯之言侯爲王斥侯甸之言田爲王治田男之言任爲王任職采事也爲王勤事衛介中外之間衛禦王也蠻之言廢羈縻之鎮鎮守藩籬古之中原止今北五省地制井田同禮樂其他如楚吳皆第統屬蠻夷西戎北狄不入控制蓋聖人公天下但使其君長能安其民人和其種類卽不必預其政教非如後世盡所有而疆理之也禹貢言東漸于海西被于流沙朔南暨聲教訖于四海亦謂聲教及之而已周亦何獨不然庸蜀羌髻從蘭牧野而其後不入版圖越裳西旅重譯底貢而其實不煩禮樂後世之事與前代不同先儒必彼此牽合以疑經誤矣

凡邦國千里封公以方五百里則四公方四百里則六侯方三百里則七伯方二百里則二十五子方百里則百男

以周知天下
七伯之七常依
鄭注作十一

鄭康成曰周九州之界方七千里十七四十九方千里者四十九其一為畿內餘四十八州州各有方千里者六一州之中以其千里封公則可四以其千里封侯則可六以其千里封伯則可十一以其千里封子則可二十五以其千里封男則可百賈氏公彥曰周惟二王後稱公此言封千里封公明其法如此耳林氏椅曰非實有此國特計其地之廣狹所能容耳

凡邦國小大相維王設其牧制其職各以其所能制其貢各以其所有

此乃總言建國之意而上文第約言其概明矣大比小事大相維也牧其君長職其參伍之屬設牧制職各以其所能乃與其土地人民政事相稱制貢各以其所有乃無苛求而亦不匱

王將巡守則戒于四方曰各脩平乃守攷乃職事無敢不

敬戒國有大刑及王之所行先道帥其屬而巡戒令王殷

國亦如之

先悉
薦反

鄭康成曰乃猶汝也守謂國竟之內職事所當共具者
先道先由王所從道居前巡其前日所戒之令殷猶罔
也王若不巡守則
六服盡朝謂之殷

土方氏掌土圭之法以致日景以土地相宅而建邦國都

鄙以辨土宜土化之瀆而授任地者王巡守則樹王舍

相
悉

亮
反

致日景者土圭長尺五寸以測日景夏至景長尺有五
寸冬至景丈三尺土地猶度地宅居也度地而相其可
居者以建邦土宜種植所宜土化糞種所用大司徒有
土宜之法草人有土化之法土方氏則用是法以授任

地者掌舍設榷極之時土方
氏亦爲王於外周市樹藩羅

懷方氏掌來遠方之民致方貢致遠物而送逆之達之以
節治其委積館舍飲食

御案遠方之民蕃國之民以貨物交易者或貢其方
物亦不拒鄭康成曰達民以旌節達物以璽節王氏昭
禹曰委積備其用館舍
安其居飲食順其嗜好

合方氏掌達天下之道路通其財利同其數器壹其度量

除其怨惡同其好善

惡安路反
好呼報反

達通其津梁不致
丈釜鍾不得有大
好貨交
相善也
陷絕同者權衡不得有輕重壹者尺
小除怨惡禁相侵虐同好善情交相

訓方氏掌道四方之政事與其上下之志誦四方之傳道

正歲則布而訓四方而觀新物

傳直專反

此職所掌與土誦土訓所掌畧相同蓋訓誦所掌獨其國故事而此則併遠方皆採之耳四方兼中外而言政事與其志皆以告王四方所尚慕而傳誦不替者則爲王誦之正歲則并布告四方使效其善者觀新物以胡民之好尚不如制者必禁之矣

形方氏掌制邦國之地域而正其封疆無有華離之地使

小國事大國大國比小國

華音低苦哇反比毗至反

御案華析也離麗也地勢應屬此國而披於他國則在此爲華在彼爲離愚案地域制於天子而有華離者諸侯私相侵占也故正之疆域不相侵陵然後和睦比親也東遷以後互相吞併則此職不修矣

山師掌山林之名辨其物與其利害而頒之于邦國使致其珍異之物

此下三職皆通掌侯國山林川澤之事蓋周制畫井分疆名山大澤開田不以封雖統歸各邦而其所產亦時時貢於天子掌其名辨其物與利害則在侯國無異在王畿矣珍異之物可以爲宗廟重器及制器典物所用者非以爲玩好也

川師掌川澤之名辨其物與其利害而頒之于邦國使致其珍異之物

鄭康成曰川澤之名與物若泗濱浮磬淮夷蠙珠暨魚之類

蓬師掌四方之地名辨其丘陵墳衍蓬隔之名物之可以

封邑者達音原

土高曰丘大阜曰陵水涯曰墳下平曰衍高平曰原平
溼曰隰皆有台御案封建國也邑制都鄙也以上三
職與地官虞衡間師之職同而事之所主則異間師所
掌者任地而游達音師則封國建邑以辨其疆圉虞衡作山
澤之材而山川師則辨利害以爲設險守國之本蓋
五物九等國邑封域雖總於司徒而制畿封國則司馬
之職故特設達音方形以專掌之而山川師佐焉邦
畿外之土壤達音師不能悉辨也故設遠師與山川師
司險掌固聯由手而聽於職方
以定城郭溝池不樹渠之分界

匡人掌達瀆則匡達音邦國而觀其慝使無敢反側以聽王命

達則冢宰所建而司馬之屬達之者其有慝
與反側則司馬得奉命討之所以威之也

擇人掌誦王志達音之國之政事以巡天下之邦國而語之使

萬民和說而正王面

揮同探語魚
據反說音悅

王者必以德治世擇人主探王志及國之政事以宣諭
天下使天下皆知王志而心鄉天子而猶鄉也抑此職
雖主威天下臣民使歸鄉京師然苟王志不端政事不
正王亦何堪告諭天下故名此職曰揮人以明王志雖
隱不難探以告人亦以警人君也

都司馬掌都之工庶子及其眾庶車馬兵甲之戒令以國

漚掌其政學以總國司馬

士適子庶子二庶也國司馬大司馬之屬御案諸子
官伯掌固等所掌皆政大司樂等所掌皆學都家士庶
子之政學一以王國教胄之漚治之以聽國司馬者有
軍事則聽於諸子有守政則聽於掌固王氏與之曰古
者國之子弟無時不教無處不學退在學校受教於大
司樂大胥諸子進在王所受教於師氏保氏入而宿衛

宮伯案其在版者而教之出而守禦都司馬掌其政學以教之非若後世之學止庠序而庠序之教又爲具文家司馬亦如之

鄭康成曰大天家臣爲司馬者其掌戒令政學用國漻聽於國司馬亦與都司馬同

總論大司馬掌兵政然威天下而壯國勢不必待戰陣時也凡兵器及預養材勇之士以及肅體統備驅使皆以法行之使戎備修而武勇豫一有不靖則兵治之而有餘故夏官諸職自王射左右以及馬政火政射御等事無不統之而疆域形勝亦有以稔知之先王知天下無威則不戢而兵又不得已而用者惟平日整齊教誨之

使有以預養其材而又未嘗輕試其技所恃者固不獨
司馬之灋也禮樂之教朝野服習者有素而至於兵事
則又鄭重周詳如此此所以能長治久安也後世修齊
之道不講禮樂既無其本而軍戎之政徒責諸武勇之
士其法制又多不善欲求靖謐不亦難乎